



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

III. Quibus disciplinis instructus esse debeat Architectus. Quibus etia[m]
dotibus

[urn:nbn:de:hbz:466:1-46065](#)

ARCHITECTVRA CHRISTIANA. 3

Ne. Eum & ingeniosum esse oportet, & ad disciplinam docilem (neque enim ingenium sine disciplina, aut disciplina sine ingenio perfectum Artificem potest efficere) & ut litteratus sit, peritus graphidos (id est, delineationis) eruditus geometria, & opticae non ignarus, instrutus arithmeticā, historias complures noverit, Philosophos diligenter audiuerit, musicam sciuerit, medicinæ non sit ignarus, responsa Iurisconsultorum noverit, astrologiam, cælique rationes cognitas habeat. Subiungit exempla rationesque, ut ostendat, quid quantumque è singulis enumeratis facultatibus accipiat Architectus emolumenti.

III. SAPIENTIA autem propria videtur Architecti, qui idcirco Sapiens vocatur. Aristoteles I. Metaph. cap. I. Eos qui in quaque arte Architecti sunt, honorabiliores ac doctiores, & ijs, qui manibus operantur sapientiores putamus, quoniam caussas eorum, quæ fiunt, sciunt. Illi verò sicut & quædam inanimata faciunt quidem, sed nescientia faciunt ea, quæ faciunt, ut ignis comburit: sed inanimata natura quadam horum singula faciunt: manibus laborantes propter consuetudinem, S. Thomas I. cont. Gen. cap. I. Artes alijs principantes Architectonicæ nominantur, quasi principales artes, unde & ipsarum artifices, qui Architectores vocantur nomen sibi vindicant Sapientum. Sic Paulus Apostolus I. Corinth. III. 16. Vti sapiens Architectus fundamentum posui.

IV. ARCHITECTVS: Nomen est compositum ab æxds Princeps, & tñctor faber. Ut sit principalis faber: fabricandi artem habens: qui structuris edificiorum præst, & quæ fabricanda prescribit. Idem dicitur Latine ARCHITECTON. Plaut. Mostell. sibi laudasse ædes ait Architectonem nescio quem, esse edificatas sane bene. ARCHITECTOR, construo, fabricor. Vitruvi. lib. IX. cap. 4. Neque in his locis natu-